

ÅRSMELDING 2025 FOR VARTDAL KYRKJELYD



*Kyrkjelydsmøte i kyrkja
22. mars 2026*

ÅRSMELDING FOR VARTDAL SOKNERÅD 2025.

Medlemar Vartdal sokneråd i 2025:

Leiar: Jenny Ullgren
Nestleiar: Ragnhild Aasen
Medlemar: Kristine Aasen Tingvoll
Olav Sandanger Myklebust
Kari Ellen Vartdal
Astrid Vartdal de Laer

Varamedlemer: Svein Ivar Aarskog
Bente Birgitte Geitvik
Sveinung Saltre
Jan Otto Roth

Sokneprest Espen Aarseth har også fast plass i rådet.

Kontaktperson Kirkens SOS: Jenny Ullgren

Kontaktperson Kirkens Nødhjelp: Kari Ellen Vartdal

Representantar for Misjonsprosjektet i Ecuador: Astrid Vartdal de Laer og Jenny Ullgren

Innkjøpsansvarleg: Astrid Elisabeth Vartdal de Laer og Kristine Aasen Tingvoll

Medlemar til Ørsta kyrkjelege fellelråd i 2025:

Kristine Tingvoll
Kari Ellen Vartdal
1.vara: Ragnhild Aasen
2.vara: Astrid Vartdal de Laer

Arbeidet til Vartdal sokneråd har vore 6 ordinære soknerådsmøte i arbeidsåret 2025.
Det har vore handsama 30 saker, mellom anna gudstenesteliste med offer, oppgåver knytt til konfirmasjonar/ jul / 17.mai / økonomi / misjonsprosjekt, samt utbetring av kjøkenkroken i sakrestiet, 150årsjubileet til Vartdal kyrkje våren 2027 og Bispevisitas 2026.
Røsslynglaurdag på kyrkjegarden har vorte ein tradisjon og har godt oppmøte.

I Vartdal kyrkje har det vorte døypte 5 born (2021: 9; 2022: 8, 2023: 9 2024: 8) der 1 av borna var busette utanfor soknet og 2 sokneborn vart døypte i andre kyrkjelydar.

Det var 1 (2023: 2; 2024: 1) innmelde, 2 (2023: 0; 2024: 2) utmelde. 6 ungdomar vart konfirmerte (2021: 9; 2022: 3, 2023: 18; 2024: 16)

1 ekteskap er inngått (2021: 0; 2022:1, 2023: 3; 2024: 1)

Det har vore 17 gravferder i soknet (2021: 11; 2022: 5, 2023: 11; 2024: 16) der alle var i kyrkja.

Det har totalt vore 21 gudstenester i 2023 (2021: 22; 2022: 25, 2023: 27; 2024: 25) der 1 var konfirmasjonsgudsteneste, 1 på Helsetunet.

Deltakarar på gudsteneste var 909 (2021: 614; 2022: 1037, 2023: 1295; 2024: 1208).

Rekneskap 2025

Rekneskapen for 2025 syner eit mindreforbruk/overskot på kr 1.360,59 som blir å overføre til disposisjonsfond.

Disposisjonsfondet utgjer kr 178.878,19.

Etter at disponering av mindreforbruk kr 1.360,59 er vedteke vil disposisjonsfondet vere på kr 180.247,78

Soknet har også eit bunde fond til trusopplæring på kr 13.993,20.

Offer til eige arbeid: kr 22.100,-

Offer til andre: kr 25.348,-

Atterhald om at rekneskapen ikkje er revidert.

Revidert rekneskap vil bli lagt fram på kyrkjekontoret så snart den ligg føre.

Utval

I **Arbeidsutvalet** sit leiar, nestleiar og sokneprest.

Arbeidet er å planlegge sakene til soknerådsmøta og leiar sender ut innkalling.

2025 var det halde møte i **Undervisningsutvalet** med medlemmer frå alle tre sokn. Det vart også vedteke medlem til Diakoniutval.

Gudstenestearbeidet 2025

I dei fleste gudstenestene har to eller tre av årets konfirmentar vore medhjelparar, dvs. praktiske oppgåver knytt til gudstenesta som t.d. ønske velkomen og dele ut salmebøker, gå i prosesjon, hjelpe til under dåpen og samle inn takkofferet. Føresette til konfirmentane har ansvar for kyrkjekaffi.

Friluftsgudstenesta vart òg planlagt på Playa del Kaia, men vart flytta til kyrkja på grunn av dårleg ver.

I familiegudstenestene bidreg songarar frå barnekoret PopKORn, og det er også utdeling av bøker o.l. til ulike aldersgruper.

I gudstenestene bidreg både konfirmentar og frivillige som medliturgar.

Anna arbeid

Det vart organisert røsslynglaurdag i september, der SPAR i Vartdal selte røsslyng for planting på gravane.

Kyrkjeleg undervisning og læring 2025

I 2024 Vedtok kyrkjemøtet ny plan for undervisning og læring.

Sjølv om planen framleis er under bearbeidelse er den i 2025 allereie tatt i bruk som ein rammeplan.

Med denne planen er omgrepet "Trusopplæring" endra til "Kyrkjeleg Undervisning og Læring

(KUL)”. Den nye planen skal inspirere råd, tilsette og frivillige til vidare undervisningsarbeid i kyrkja. Kyrkjeleg undervisning skal motivere til kreativitet, aktiv deltaking i, samt medverking til kyrkja sine trus-praksisar, kultur og tradisjonar og økt kunnskap om bibelens tekstar. Kyrkja skal legge til rette for livslang og likeverdig deltaking i undervisning og læring om den treenige Gud. Både minoriteter og personar med ulike funksjonsnedsetting skal oppleve å få like tilbod og bli møtt med verdig, ivaretatt og kunne ta del i kyrkjelivet på eigne premisser. Det skal vere eit samarbeid mellom kyrkja, heimen og andre relevante lokale aktørar. Alle desse elementene kan vere med på å gi eit menneske verktøy det kan bruke i livet i møte med Gud, andre menneske og skaparverket. Ikkje minst verktøy ein kan bruke til å meistre livet i møte med glede og sorg i livets kriser og oppbrott, anten aleine eller i fellesskap med andre.

I den nye planen er kyrkjeleg undervisning i første omgang oppdelt i fire rammer: 0-5år, 6-12år, Rammeplan for konfirmasjonstid og 13- 19år. Det kan seinare kome rammeplan for 20-30år.

Trusopplæringsverktøyet som vart før brukt til all rapportering av trusopplæringsarbeid vart fasa ut i 2025. Alt av arbeidet i KUL skal rapporterast i verktøyet “Kyrkja Vår” i lag med alt anna av kyrkjeleg arbeid. Frå 2025 er det fire tiltak som vert nøkkeltal i rapporteringa: 4årsbok, 6årsbok, Tårnagenthelg og Lys Vaken.



0-5år:

I 2025 har Vartdal sokn gitt tilbod om fleire tilbod til småbarnsfamilier med born i denne aldersgruppe. Det har vore konstant, god deltaking på dei fleste av desse tiltaka. Det vart Babysong for alle første gang i Vartdal kyrkje. Det har vore fleire fine møter og gode møteplassar for småbarnsfamiliar. Det baud på moglighet til kjekke generasjonssamlingar på Helsetunet med bebuarane.

7 Faddergåver vart delt ut. Fadder skal levere ut desse på 1, 2 og 3-års dåpsdag som eit kontinuerleg tiltak fram til bornet vert 3år.

4-årshelg med undretur og bokutdeling er framleis det mest populære tiltaket vi tilbyr. Ii 2025 tok 5 av 8 medlemar del i tiltaket.

“Kirkekerottekino” for 5 åringar vart ikkje gjennomført i 2025.

6- 12år:

Det har vore bokutdeling til 6-åringar i ei familiegudsteneste. Da kom 6 av 9 og tok imot aktivitetshæfta “Alle gode ting”. Kyrkjeskule med for 7 åringar vart utsett til 2026.

Tårnagenthelg med bu-heime leir for 8- og 9-åringar vert gjennomført annakvart år, neste gang vert i 2026. Det vart gudsteneste med utdeling av boka “Tidslinja” til 10-åringar, 7 av 10 medlemar møte opp. Lys Vaken vart ikkje gjennomført pga lave påmeldingstal. Det vart kyrkjekino for 11- og 12 åringar. Aldersgruppa 6-12 synes å vere utfordrande. Fleire gongar har kyrkjelege opplegg måtte vike for store idrettsarrangement. Vi prøver å få til eit samarbeid for å unngå kollisjon.

Konfirmasjonstid:

I 2025 vart ikkje Avspark gjennomført i starten av konfirmantåret pga sjukdom blant staben. Konfirmantane har fått undervisningstimar i åtte ulike tema gjennom året. Dei tek og del i gudstenestelivet som klokkar og deltaking på sjølvvalde gudstenester. Konfirmantleir vart gjennomført i 2025 med 2 overnattingsdøgn på Sunnmøre Folkehøgskule, utført med hjelp av frivillige ungdoms- og vaksenleiarar og føresette som nattevakter. Konfirmantane i Vartdal kyrkje tok del i sponsorløp og samla inn til misjonsarbeidet i Ecuador. Årets fasteaksjon i 2025 der konfirantar gjekk frå dør til dør med bøsse og Vippshefter resulterte i kr. 11407. Konfirmasjonsgudstenesta vart gjennomført 27.4 for 6 av 7 medlemar .

13- 19år:

Dei siste åra har det vore litt vanskeleg å rekruttere nye ungdomsleiarar. Likevel er det fleire unge som har vore leiarar i fleire år som kjem tilbake og er medarbeidarar på leir. Dette er ei glede, og noko vi vil satse på vidare.



Barnehage- kyrkje samarbeid:
Vartdal barnehagane var med på påskevandring/ sansesamling før påske. Det vart også barnehagegudsteneste i kyrkja tidleg desember.

Skule- kyrkje- samarbeid:
Det vart skulegudsteneste med dramatisering om påske for barneskulen der 1.-4. klasse tok særskilt del i dramaturgien. Adventsgudsteneste vart og gjennomført tidleg i desember for både barneskulen og ungdomsskulen. Gudstenesta er

bygd på ein rullerande plan på sju år med kvar si tema. Årets tema var "Jesus kjem" når du minst ventar det. Difor lagde skuleborna juleroser som har pynta kyrkja

Vegen vidare:

Utifrå planen i "Kyrkja vår" synes det at soknerådet i Vartdal kyrkje vil at vi skal satse vidare på barn og unge, barnekoret PopKorn og familiegudstenester som satsingsområde. Nasjonalt og frå Bispedømet er vi bedd om å satse på ungdomarbeid.

Diakoni 2025

Diakoni er omsorgstenesta til kyrkja. Diakoni er evangeliet i handling og blir uttrykt gjennom nestekjærleik, inkluderande fellesskap, vern om skaparverket og kamp for rettferd. (Plan for diakoni i Den norske kyrkja, 2020) Diakonien er heile kyrkjelyden sitt ansvar, men Vartdal sokneråd har eit særleg ansvar for det lokale diakoniarbeidet i soknet. Kyrkja har ei viktig samfunnsrolle med å ivareta menneske som kjem i ein vanskeleg situasjon og treng omsorg, trøyst og håp når alt synes å vere vondt og vanskeleg. Alt dette er forankra i det diakonale oppdraget med nestekjærleik, vern om skaparverket, inkluderande fellesskap og kamp for rettferd. Arbeidet krev kompetanse, god planlegging og effektivt samarbeid med andre samfunnsaktørar. All diakonal omsorg bygg på gjensidigheit, likeverd og respekt for andre sitt syn og leveste.

Diakonien bidreg særleg til den sosiale berekrafta i lokalsamfunnet. Arbeidet rettar seg mot menneske som opplever utanforskap, einsamheit, eller sårbare livssituasjonar, og legg til rette for møteplassar, fellesskap og deltaking. Slik er diakonien med på å fremje berekraftsmål knytt til mindre ulikskap, god livskvalitet og inkluderande lokalsamfunn.

Fellesskap



Dei nemnde aktivitetane er opne for alle som vil, og som bur i Ørsta kommune og nærliggande område.

- **Føremiddagstreffa** i Ørsta vart starta opp igjen i 2024, i samarbeid med Ørsta Frikyrkje og Ørsta Indremisjon. Vi formidla at dette var ein open plass for alle som ønsker ein stad å møtast på dagtid i Ørsta, inkludert pensjonistar, uføre, arbeidsledige, heimeverande, foreldre i permisjon med små barn o.s.v. Vi har ein del spel, lego, og leiker tilgjengeleg for barn. Vi oppfordrar deltakarane å ha med handarbeid og vi lagar til små hobbypakker som dei kan kjøpe og lage ting av mens dei er der. Vi hadde tolv vellykka møter i 2025, med eit gjennomsnittleg frammøte på 20 personar per møte.
- **Internasjonalt Språkkafé** i Ørsta har blitt svært populært blant innvandrarak, men vi treng endå fleire nordmenn og andre som snakkar norsk. Formålet med språkkaféen er å tale norsk saman, hjelpe flyktningane med lekser dei får frå ordinær norsk opplæring, samt å gi dei hjelp med diverse praktiske gjeremål som utfylling av skjema, orientering om det norske samfunnet, korleis delta i ulike fritidsaktivitetar, osv.

I 2025 vart han arrangert kvart torsdag på kyrkjekontoret frå kl.18:00 til kl.20:00, med unntak av sommarferien samt nasjonal- og heilagdagar. Språkkaféen har hatt meir enn 53 registrerte deltakarar som har delteke på samlingane etter høve. Det gjennomsnittleg talet på deltakarar på samling, multiplisert med talet på veker språkkaféen har vore arrangert, gjev eit samla tal på om lag 940 deltakingar. Deltakargruppa har bestått av norske og utanlandske deltakarar, noko som er avgjerande for at innvandrarak skal få høve til å utvikle ferdigheiter i å forstå og bruke norsk språk.

- **Andre møteplassar i fellesskap**
Kafétreff på Alti og Svendsen garden. Rundt dei fem siste månader i 2025 var mindre grupper av eldre frå Ørsta, Hjørundfjord og Vartdal sokn invitert til kafétreff på Alti og på Fru Svendsen kunst og kultur kafé på fredag ein gang i månaden. Desse treffa har ikkje vore annonsert i avisa. Formålet har vore å kunne møtast til hyggeleg samvær på ein av kaféane i Ørsta og snakke saman. Det var ikkje så mange som deltok, ofte mindre enn sju eldre, men dei som kom hadde ei god stund saman.
- **Kransebinding**
 I 2025 arrangerte Ørsta Kyrkjelege Fellesråd ei kransebindingsaktivitet som samla deltakarar rundt praktisk handarbeid, tradisjon og fellesskap. Kransebinding har ei lang kulturhistorisk forankring, der den ringforma kranse – utan byrjing og slutt – symboliserer det evige og liv som held fram.

Kransar har gjennom tidene hatt ei viktig rolle både ved gravferder og ved festlege høve, som uttrykk for minne, respekt, feiring og dekor. Aktiviteten gav deltakarane høve til å ta del i ein

levande tradisjon og kulturarv som bind generasjonar saman og skaper eit konkret møte med historia.

Gjennom bruk av greiner, mose, kvistar og bær utvikla deltakarane både estetisk sans og praktiske handverksferdigheiter. I ein kvardag prega av masseproduksjon og høgt tempo, fungerte kransebindinga som ei roleg og meningsfull motvekt, med rom for kreativitet og samvær.

Bruk av lokale naturmateriale synleggjorde også ei miljømedviten tilnærming, der deltakarane fekk innsikt i berekraftig bruk av ressursar og heile prosessen frå hausting til ferdig produkt.

Samlinga skapte eit sosialt fellesskap rundt bordet, med rom for samtale, deling og glede. Aktiviteten bidrog til styrkt samhald og gav deltakarane høve til å bli betre kjende med kvarandre i ei uformell og inkluderande ramme.

Besøks- og omsorgsteneste

Frå hausten 2025 har institusjonsandaktene berre blitt haldne annan kvar veka (for å redusere arbeidsbyrda til prestane). Diakonen kombinerer ofte andaktene med besøksteneste, spesielt til dei som treng personleg besøk. Elles besøker diakonen regelmessig eldre som bur heime åleine.

Telefonsamtalar har blitt ein enkel og effektiv måte å komme i kontakt med folk på, og dette har eg brukt aktivt for å nå flest mogleg eldre i lokalsamfunnet vårt. Telefonen gir høve til å ta kontakt med nye personar, og oftare enn ved fysiske møte. Diakonen mottar gjerne tips om folk som kan ha nytte av ei telefonkontakt, eller eit fysisk besøk.

Etterlatne blei inviterte til helgemessegudsteneste i 2025 per e-post for å spare porto. Dette var andre gongen vi sendte invitasjonen per e-post det var mindre problem med å finne nesten alle e-post adresser, men eg måtte involvere Kyrkjedata, og Sekretæren på kontoret sidan ho åleine har administrasjonsrett til denne funksjonen i Kardinal. Det gjekk bra; berre til nokre få personar måtte vi sende invitasjonen med vanleg post.

Som medeigar i Kirkens SOS, Møre og Romsdal, er den diakonale, døgnopne telefontenesta, ein del av Ørsta kyrkjelyd sitt omsorgstilbod for dei som treng nokon å snakke med. Fleire frivillige trengst til telefon- og/eller chattevakter til kontora i Ålesund og Myrvåg.

Internasjonal diakoni

- Vartdal kyrkjelyd sitt misjonsprosjekt i Ecuador, er eit samarbeid med Den norske misjonsallianse. Kyrkjelyden må utfordrast til å kjøpe eller donere gevinstar til prosjekts aktiviteten.
- Fasteaksjonen til Kirkens Nødhjelp: Vart arrangert i Vartdal, Ørsta og Hjørundfjord sokn i 2025.
- Det er også innvandrarar som søker hjelp av diakonen til diverse praktiske problem, inkludert hjelp med å finne bustad.

Diakonane si deltaking i barn og ungdomsarbeida

- I arbeidet med barn og ungdomar har diakonane spesielt peika på den viktige rolla kyrkja vår har i samfunnet når det gjeld å ta vare på naturen og miljøet og våre medmenneske.

Søndagstankar

- I turnus med prestane skriv diakonen søndagstankar i Møre Nytt kvar fjerde fredag. Mange lesarar av Møre Nytt har gitt gode tilbakemeldingar noko som tyder på at søndagstankane vert lest og sett pris på.

Grøn kyrkjelyd og Berekraftsmålar

Vartdal kyrkjelyd har sidan 2017 vore Grøn kyrkjelyd, med felles handlingsplan; saman med Hjørundfjord kyrkjelyd og Ørsta kyrkjelyd, Grøn kyrkjelyd tar eit tydeleg ansvar for skaparverket, medmennesket og framtida. Arbeidet er forankra i kristent forvaltaransvar og i FN sine berekraftsmål.

Gjennom gudstenesteliv, undervisning og praktiske tiltak arbeider kyrkjelyden for meir miljøvenlege val, ansvarleg forbruk og redusert ressursbruk. Samstundes vert berekraft forstått i ein brie samanheng, der sosial rettferd, inkluderande og fellesskap er sentrale verdiar.

Diakonien har ei viktig rolle i berekraftsarbeidet ved å bidra til sosial berekraft i lokalsamfunnet. Møteplassar, fellesskap og omsorg for menneske i sårbare livssituasjonar er konkrete uttrykk for dette arbeidet, i tråd med berekraftsmål om mindre ulikskap og verdige livsvilkår.

Diakonien fortsette å utforda kyrkjelyd til å tenke grundig på følgande spørsmåla: Korleis kan diakonien støtte arbeidet med å oppnå meir berekraftsmåla i vår kyrkjelyd? Korleis kan vi saman oppretthalde det lokale og det globale engasjementet? Prioriterer vi «riktig» i den lokale diakonien? Ser vi etter dei mest marginaliserte og sårbare i vårt samfunn? Ser vi på alle menneskjer som ein ressurs?

Takk til alle som har vore med å bære fram diakonien gjennom dette året! Lat oss ta diakonien med i alt arbeid i kyrkja, som ei grunnleggjande haldning og ein måte å leve på, som formar kyrkjelyden, i bøn og i arbeid.

Betty A. Ndea Søvik, diakon

Årsmelding kyrkjemusikk

Vartdal sokn, 2025.

Kyrkjemusikarar 2025

Marie Austrheim Riise, kantor i 100% stilling

John Inge Leira Bjøringsøy, organist i 60 % stilling

Når mennesket spelar, syng og leikar, lyttar det til lyden frå skaparverket, gir denne lyden form og tek på den måten imot Guds gåver. Slik blir vi Guds medskaparar.

Kyrkja forstår difor all kunst og kreativitet som ein del av forvaltaroppdraget.

Når vi utfaldar oss musikalsk, er det både til ære for Gud og til gagn og glede for kvarandre.

Alt Gud har skapt, vitnar om hans stordom og herlegdom. Det lèt oss ane at Gud finst.

(Plan for kyrkjemusikk)

Gudstenester

I Vartdal sokn er kantor og organist godt involverte, i samarbeid med prest, kateket og andre tilsette, i både planlegging, førebuing og gjennomføring av gudstenester. Kyrkjemusikarane har ansvar for å ta vare på både tradisjonelle og nyare kyrkjemusikalske uttrykk i gudstenesta. Å sikre ein raud tråd i gudstenestene, samt å få ei heilheit i forhold til kyrkjeårets tekster, tema, salmar og songar er eit svært viktig arbeid.

Gudstenester

Den kristne kyrkja er ei syngjande kyrkje! Når vi utfaldar oss musikalsk, er det både til ære for Gud og til gagn og glede for kvarandre. Gjennom gudstenestene får vi løfte opp vår song, lovprise Gud og uttrykkje og formidle vår kristne tru i eit fellesskap.

I Vartdal sokn tek kyrkjemusikarane del i både planlegging av gudstenester og i arbeidet med å hente inn lokale musikkrefter, i samarbeid med prestar, trusopplærarar og andre tilsette.

Gudstenestereforma legg betydeleg vekt på involvering av frivillige i gudstenestene. Det er svært flott og viktig å utfordre kor, musikarar og solistar til å ta del i gudstenestene, noko vi også gjer i Vartdal sokn. Nokre gudstenester utmerkar seg som særskild viktige å hente inn eksterne musikkrefter til: konfirmasjon, høgtidsdagar, konfirmantjubileum og dåpsgudstenester. Likevel spør vi solistar og andre musikarar/grupper/kor om å ta del på heilt «vanlege» gudstenester.

Det er eit særskild viktig arbeid å invitere inn eksterne og lokale musikarar, kor og grupper på gudstenester. Dette er særskild viktig i dei mindre sokna. Å invitere med kor og musikarar gjer at fleire kjem til gudsteneste. Det er også svært viktig å trekke inn musikk og kulturmiljøet i Vartdal. Dette er til stor glede og inspirasjon for kyrkjelyden og lokalmiljøet elles. Slik kan vi også lyfte fram unge talent, born og andre som driv med musikk og kunst.

Arbeidet med å hente inn lokale song og musikkrefter er eit svært viktig arbeid som må prioriterast. Det er spesielt viktig i mindre sokn. Å ha med eit blandakor, barnekor eller ei gruppe kan ha stor innverknad på antal besøkande på gudstenestene. Dette løftar gudstenestene!

Kyrkjemusikk og trusopplæring

Kyrkjemusikk- og kulturverksemd gir eit godt grunnlag for at born og unge kan være deltakarar og ressursar for kyrkjelyden som lærande fellesskap. Denne fellesskapen er ein god arena for læring av bibeltekstar, liturgi og salmar.

I arbeidet med konfirmantar har kyrkjemusikarane eit særleg ansvar for musikkgruppene på konfirmantleir. Desse musikkgruppene førebur seg til gudstenesta på leir og er eit svært kjekt arbeid! I 2025 var det fleire konfirmantar frå Vartdal som tok del på musikkgruppa på leir. Dei førebudde musikk til gudstenesta på konfirmantleir.

Kantor og organist tek også del i førebuing og gjennomføring av skulegudstenester gjennom året før påske og før jul, i samarbeid med prestar og trusopplærarar. Dei er også med på trusopplæringstiltak som Lys Vaken, tårnagent og, undretur og utdeling av 4-års bok for å nemne nokre arrangement.

Korverksemd: Av korverksemd i Vartdal kyrkje finn vi barnekoret PopKORn. Dirigent er Venche Vartdal Leite. Aldersgruppe: 1-7.klasse. Antal: rundt 16 born. Koret tek del på ein del av familiegudstenestene og har også teke del ved fleire andre arrangement utanfor kyrkjeleg regi. Det er svært viktig å ha eit barnekor i soknet og koret har stor betydning for gudstenesteliv og kyrkjelyden i Vartdal sokn, då særskilt ved familiegudstenester. Dette korarbeidet bør ein verkeleg satse på framover! Vi vil rette ei stor takk til dirigent Venche og frivillige som legg ned ein stor innsats. De gjer ein svært viktig jobb!

Vi syng og spelar jula inn

Laurdag 6.12 2025 var det den tradisjonelle konserten «Vi syng og spelar jula inn». Dette året var det mange påmeldte, både lokale korps og kor, og tilreisande.

Musikarar som har teke del på gudstenester, konsertar o.l i 2025:

Vi vil rette ei stor takk til alle som har teke del på gudstenester, konsertar og liknande arrangement i Vartdal sokn gjennom året 2025. Vi set svært stor pris på at de tek del og vi ynskjer å rette ei stor takk til dykk. De gjer alle ein svært viktig jobb! Fleire av dykk har også teke del ved fleire høver i løpet av året. Tusen takk!

Marie Austrheim Riise
Kantor i Vartdal kyrkje,
27.03.2025.

Vartdal sokneråd og sokneprest vil gjerne få rette ei stor takk til alle dei frivillige som tek del i alt arbeid og gudstenesteliv i kyrkjelyden. De gjer eit svært viktig arbeid; Hjarteleg takk!

Jenny Ullgren
leiar Vartdal sokneråd

Espen Aarseth
sokneprest